

*modis* aliquid impleri dicatur & dici possit; ac (1) quidem, quando illud ipsum fit, quod Scriptura in loco allegato propriè & simpliciter prædixit & intelligi vult. (2) quando simile aliquid fit, ut h.l. (3) quando in specie fit vel dicitur illud, quod in genere in Scriptura traditum. (4) quando id, quod de Capite dicitur, transfertur ad membra & vice versa.

Et hætenus *Prophetiæ sensus*. *Usus* præbet hæc observatio: Ecclesia omnesq; fideles ejus cives calamitatibus ac persecutionibus omnibus temporibus sunt obnoxii. *Causas Augustinus* hoc complexus est Aphorismo memoriâ dignissimo: *Premuntur justi in Ecclesia, ut clament, clamantes exaudiantur, exauditi glorificent DEUM*. Cæterum *Consolatio Luctui* illi opponenda duobus fundatur argumentis, quorum (1) sumtum à *compensatione afflictionum* post captivitatem *Babylonicam*, substitutâ in eorum locum divinâ benedictione conjunctâ cum felici rerum statu; vel si textus iste accommodetur ad matres *Bethlehemiticas*; consolatio *αιτισηοφ* luctui concepto ex miserabili filiorum interitu. Verum etiam est illud Salvatoris *Matth. 5. Beati qui lugent, quia consolationem accipient.*

\*15.

*Secundum* verò argumentum petitum est à reductione populi, maximè posterorum ejus in patriam, vel, si textus iterum applicetur ad matres *Bethlehemiticas*; à restitutione filiorum in altera vita, cujus umbra quædam fuit, quod Salvator *Luc. 7. viduæ Nainiticæ* filium è mortuis resuscitatum restituit. Facit hæc consideratio ad consolationem piorum parentum, quibus filii immaturâ morte eripiuntur. Quò pertinet & istud *Cypriani*: *Non amissimus, sed præmissimus*, desumptum ex Oratione admodum piâ *Regii Vatis 2. Sam. 12. vs 25*. Et hætenus de priori incommodo.

\*17.

Sequitur posterius, quod est, ut paulò ante prænotatum, *duriuscula Castigatio*. Constat istius *Tractatio ωεθθεσδ* Ecclesiæ, & *αινθεσδ* J E H O V A E. In *ωεθθεσδ καλ' ηθουσιας* Ecclesia introducitur proponens querelam de castigatione Domini, quam describit *trifariam*. Ac (1) quidem ab ejus effectu, pœnitentiâ videlicet, pro quâ operatione Spiritus S. excitandâ ac producendâ suppliciter orat: *Converte me, Domine, & convertar &c.* Unde discimus, quod pœnitentia non sit opus nostrarum virium, sed solus DEI, *2. Tim. 2,*

\*18.

1.

Y

25. la